

皇

明

史

概

皇明史概序

國朝史官即備輔臣之選
一主直筆一職平章蓋
皆從神明上發出互相
運用而史為之先正欲

其端心術辨邪正貫通
今古他日運之掌上此
祖宗深意而近馳騫止為
枚卜之階殊失其質余
與少師文寧朱公先後

入詞林性行相似

見所為壽

文

公快口直腸不顧忌

譁乃退居隱約無他嗜

好穆然若思宵然若忘

意必有凝精着力處而

莫窺其際乙丙間同官
留都一日闖其書齋則
所積皆朝家典故與誌
傳之類中多塗抹點竄
如芟草存株拂塵見鏡

余不覺拍手曰公留心
大業而不以示人亦不
余告何居曰甫田之墾
發端安望菑畬輒自號
于人曰乃積乃倉世間

無此莽蕪皆大笑而別
後余出入經浙渡江公
必來會余必以問第嘆
曰學知不足教始知困
難言難言久之與余共

事綸扉票擬極煩會坐
中堂公輒以其間退屏
寢室余必翹而出之曰
軍國重務豈閣臣宴息
讀書時耶比余求歸堅

卧允五六月

天子憐之將允放公既日

日過從大都攢眉相慰

解至是釋然又復黠然

余曰此回度已長別數

十年著作今再不言更
在何日乃出其篇目與
稿之十三以示曰大政
表提綱挈領之義曰大
訓明聖學聖政之傳曰

大因著承先啟後之概
曰大志分門別類存體
要曰大事徹首澈尾無
遁情斯稱極備始繼之
以列傳曰開國曰遜國

曰歷朝曰類曰外二百
六十年人物燦然臚列
總曰史概撮其本末兼
諸家之體各開門戶成
一家之言務盡事情余

雖未得其全而大都已
瞭然心目間矣因戲曰
昔陳文憲

穎脩正史館中俊又如林
因材分任畢竟望洋公

以一人肩之儻所稱志
大宇宙勇邁千古非耶
公睜目徐曰後數年從
山中索子序文方了此
一件勾當余悔失言因

曰天下有以書索序者
清實未必相副揄揚未
必盡真在之通患余自
來斤斤亦不能免未聞
以序促書者不求而自

炫非知舍己以要人不
情懸空以希未必得之
數似乎益浪從來所無
譚亦駭聽抑公立志較
然着筆既久游亦可期

我兩人之相知已老可
以豫訂創為之亦無不
可即席次其語以稿納
公袖中慨然曰公方任
天下之重毋庸藉此立

名抑事勢日異將必有
超乘而上者公孫弘不
可學則有成其為太史
公而已仍囑曰人壽幾
何莫作遠計書成彼此

尚健更端何難不則燬
之母留世間作話柄可
也

賜進士第特進光祿大夫
左柱國少師兼太子太

師吏部尚書建極殿大

學士知

經筵日講制誥總裁

國史前

予告存問奉

詔召起五十八疏乞歸寅
弟葉向高頻首書

自序

皇明之史有利行者有密
纂未行者余不自揣妄
有所輯 福清公知狀
數以為問京師垂別且

談且舉筆凡數百言相
付曰以序促書此語妙
絕書可促乎促之而其
久之才力果足以副乎
漫為之即草野鹵莽立

一名疊幾卷亦足行世
而史不可若是其幾也
班孟最著不免雌黃才
以代分文亦以代降禎
何人斯敢爾措手稍從

諸書中折衷去取庶幾
附于整齊之義工未及
半會有

召用之命不無作輟意下
茫然未幾即歸：之兩

年風鶴驚心不復置念
又次季 福清捐館前
言若為之死心傷甚良
友難負舊緒可尋復自
塵中取出畧加簡點自

念三長非任更有三短
昔之名家非父子代嬪
即朋友取資先君子窮
經賫志以歿余幸為此
官希成此事踴、無徒

孤鳴之掌不揚半井之
窺甚局一也陳鄭雷薛
卓：名家餘都爛然彼
此互見良工分之各有
獨至拙手合之未見天

然二也兩漢而下唐之
駁雜宋之陵夷尚不勝
書天開我明

二祖之締造

列聖之範圍中間名世應

運綢繆粉飾視唐宋何
啻百倍家乘野記充棟
面墻三也三短之中復
有三厄一多病一善忘
一習懶而所幸家居寂

久閒日頗長姑取以遊
焉息焉先後三十餘年
不覺積已數百卷矣零
撮之如聚沙然自粒而
升而石而垤非不勤且

多也終不可以築室有
妄人于此將從事焉其
九仞而高乎抑半版而
廢乎兩戰于中殊不自
主庚午十一月痰蹶幾

死時年已七十有四念
歲不我與福清之訂
忽見夢寐且稍：在人
口角莫若因而實之即
以臨別舊稿弁之不復

他求變；自愧一之謂
甚其可再乎付之梓人
國朝原無野史之禁忝備
翰苑叅黃扉窺金匱石
室之藏自是職掌特以

未嘗奉

旨不敢進呈題曰史概以
別于全上不能繪天次
不能華國又次不能膾
正半在精神一生事業

可謂云爾也已矣

湖上平涵居士朱國禎

題

大政記

皇明大政記引

太史公本紀十二卷孟堅帝紀如之歷代相仍煩簡不同義例則一 國朝定曰大政記臣鄭曉十卷雷禮二十卷鄧元極卷夫政莫備于 國史藏之天上三公生文明之世竭著作之才可謂盛矣于 國史似未得盡見故質之有合有不御史可盡信乎褒貶筆削賢者局于見聞等而下之甚至叅以愛憎未足徵信惟戎祀大端興革升除大較編纂官取諸司章奏彙而存之所謂實錄者惟此爲實因借巨室原本諸家抄本亦有二其一則半閱之最著者 聖訓別自爲記最煩者儀注見之會典奏

疏頗多條陳事項與犯上干主有之乖忤貴臣則察察

矣

聞萬曆四五年間彈江陵奪情本俱不募人

乃斷自實處摘出合前三書

比對增之損之至于再四頗亦自盡心力而所當錯亂脫落處不少意終未安後取閣本細較訂正始快垂畢而告歸若有數焉其史所不載確者間有所增它名臣傳中所錄非不可喜可書而日月難考不敢輕入從省從真亦從其重夫是之謂大政

宗禎五年壬申三月

謹識

先一年辛未二月

神宗皇帝實錄進

呈

先天啟三年癸亥六月

光宗皇帝實錄進

呈

書有凡例非古也近代作者每每借標焉聞之先正
曰發凡舉例此未易言也凡而曰發如伏弩然中遠
必中的例而曰舉如扛鼎然從重不從輕蓋闕碩之
儒聚會商量酌急緩大小之宜祖魯史削筆而演其
緒故足術也我朝 國史所定必由 宸斷尤爲鄭
重若天之星辰地之河嶽斯固無容擬議而援引書

目則 國史開館羅俊又盡發 先朝所積者供其
漁獵旁採諸司遠及郡國當不勝書他若藏萬卷之
樓窺二酉之室者不妨臚列開人心目此希世奇遘
可羨不可及難以竊附自雄者湖邊老儒所見只

國史一書吾學編二三種局于見聞守其固陋樵夫
採薪不必良材農掘井不必冽當其負而終日流汗
汲而斗水半泥自謂吾力已竭不虛此一段光景而
高人韻士見且咲之又復咲咲相應分量有限卽指
薪爲檜吸泥如美固亦各存本色不可彊而責以持
月宮之斧泛天漢之槎非其質矣自計各山必不收

通都必不顧筆之禿木之災皆所自取而又何凡例
書目之足云乎門類既分卷帙有限姑擗出冠于簡
端

皇明大政記目錄

第一卷

太祖高皇帝生之戊辰起兵之壬辰至

吳元年丁未

第二卷

洪武元年戊申至三年庚戌

第三卷

洪武四年辛亥至十一年戊午

第四卷

洪武十二年己未至十九年丙寅

第五卷

洪武二十年丁卯至二十五年壬申

第六卷

洪武二十六年癸酉至三十一年戊寅

第七卷

建文元年己卯至四年壬午

第八卷

永樂元年癸未至七年己丑

第九卷

永樂八年庚寅至二十二年甲辰

第十卷

洪熙元年乙巳

第十一卷

宣德元年丙午至三年戊申

第十二卷

宣德四年己酉至十年乙卯

第十三卷

正統元年丙辰至六年辛酉

第十四卷

正統七年壬戌至十四年己巳

第十五卷

景泰元年庚午至七年丙子

第十六卷

天順元年丁丑至八年甲申

第十七卷

成化元年乙酉至五年己丑

第十八卷

成化六年庚寅至十四年戊戌

第十九卷

成化十五年己亥至二十三年丁未

第二十卷

弘治元年戊申至八年乙卯

第二十一卷

弘治九年丙辰至十八年乙丑

第二十二卷

正德元年丙寅至四年己巳

第二十三卷

正德五年庚午至九年甲戌

第二十四卷

正德十年乙亥至十六年辛巳

第二十五卷

嘉靖元年壬午至二年癸未

第二十六卷

嘉靖三年甲申至六年丁亥

第二十七卷

嘉靖七年戊子至十年辛卯

第二十八卷

嘉靖十一年壬辰至十五年丙申

第二十九卷

嘉靖十六年丁酉至二十年辛丑

第三十卷

嘉靖二十一年壬寅至二十六年丁未

第三十一卷

嘉靖二十七年戊申至三十一年壬子

第三十二卷

嘉靖三十二年癸丑至三十六年丁巳

第三十三卷

嘉靖三十七年戊寅至四十一年壬戌

第三十四卷

嘉靖四十二年癸亥至四十五年丙寅

第三十五卷

隆慶元年丁卯至三年己巳

第三十六卷

隆慶四年庚午至六年壬申

皇明大政記卷之一

少師建極殿大學士臣朱國禎謹輯

大明太祖聖神文武欽明啟運俊德成功統天大孝高

皇帝

嘉靖十七年十一月辛未朔改上

大明太祖開天行道肇紀立極大聖至神仁文義武俊
德成功高皇帝

戊辰

元文宗天曆元年

上生于濠州御諱元

章

初諱與宗後起

兵字國瑞帝額頊後封于邾子孫去邑爲朱世居沛

國相縣後徙句容號其里爲朱家巷宋季皇大父

熙祖始渡淮家泗州卒因葬焉 父仁祖諱世珍與

陳太后徙鍾離之東鄉 太后生四子 上其季也

元時太史占聖人生江淮間 上實應之當 皇妣

娠夢神人自西北來饋白丸藥曰此大丹也置掌中

有光漸長吞之覺猶有香氣明日 上生紅光燭天

見者駭異竦傳朱氏火發迹之無有時元天曆元年

戊辰九月十八日丁丑朕時也 併支于爲戊辰 壬戌丁北丁未 在

泗州盱眙縣旁有二郎廟土之久廟後百步浴于西河忽有紅羅浮至取以爲襦婦人名其地爲紅羅障

自是河水俱香分爲二色一紅 白產草狀如絲縷

色如茅蒐非常所有五色雲時蓋其上故名山曰明光瀾與寺曰香華輝曰靈蹟而所謂孕龍 異香經宿

基者方丈之內土亦赤色不生他草木不散三日腹脹幾殆 仁祖夢抱至佛寺空無人復

歸出求醫見東簷下一僧狀貌奇偉面壁坐顧曰來

以手摩 上頂曰無妨夜半疾愈矣果然已遷西鄉

又遷太平鄉之孤庄村有老僧造門曰神龍在此稍

長姿貌雄桀

日章天質鳳目龍姿
奇骨貫頂聲如洪鐘

志意廓然獨居沉

念人莫能測既就學聰明天授事親至孝奉侍左右

不違元至正甲申年十七矣歲大疫 四月 仁祖

太后及仲兄相次沒鄉人劉繼祖與地始獲窆

後追贈
繼祖義

惠侯妻姜氏侯夫
人子孫世奉祀

寄蹟皇覺寺多靈異會大儀寺衆

盡散 上遂西遊至合肥遇兩紫衣人與俱 上忽

病寒熱兩人調護甚至病少差忽不見又行至六安

遇老儒有擔甚困 上代之負亦不讓俄息觀樹下
推 上命然然曰大貴不可言慎之此行利西北不

空東南歷告以未然事甚悉 歷遊光固汝穎諸州
別去問邑里姓氏皆不答

臨麻湖中遇羣童 凡三年復還寺中神應彌赫
言迎駕叱之不見

辛卯 元至正 五月汝穎斬黃兵大起
劉福通奉韓

林見起穎州 八月徐壽輝據新水爲都稱皇帝國
號天完改元治平餘李芝蔴等甚衆先戊子八年方

國珍起
台州

壬辰 元至正 上起兵濠州 先二月郭子興護濠

州寺爲亂兵所焚 上出避
上時見雲龍之祥識有
佛子是真王之語元晝

甚急 禱于神卜迹卜守皆不吉卜從子興吉未信

史卜玳躍起自豎異之猶固守旬日訛言日至元將

徹里不花來攻濠憚不敢進日掠良民邀賞上不
獲已閏三月甲戌朔抵濠門者欲加害子興見之得
免甚見親重凡攻戰卽命往往輒勝 九月以所字
故人馬公女妻之則 孝慈皇后也軍中呼 上曰

朱公子俄子興爲孫德崖所執幽窖中 上親救出

之元將賈魯月哥察兒等圍濠州 城中諸將互相猜

先後所殺傷甚衆明年 五月賈魯死圍解其年

二月徐壽輝將陳友諒破江州元總管李鵬死之

三月元台州路達魯花赤泰不花與方國珍戰澄江

死之 五月元從義國公子趙完普等于沙州尋被

殺 七月徐壽輝遣兵破杭州董博霄復之進復徽

州元長汀人羅良起義兵元丞相脫脫居徐州趙君

用彭早住奔于濠 九月元余闕守安慶 十一月

元平章吉星擊趙普勝于湖口死之 十二月察罕

枯木見李思

齊起義兵

癸巳

元至正
十三年

五月花雲破懷遠全椒二縣復襲走

群盜于穆家寨

六月

上還里募得七百餘人歸

之主將獨與徐達等二十四人南略定遠邁疾復還

少間聞驢牌寨乏食欲來降單將費聚等十一人入

其營以計執主帅驅所部壯士三千人還夜襲元將

老張千橫澗山走之得精兵二萬約以紀律遂克泗

州遇李善長留掌書記與攻滁州克而守之子興爲

趙君用所制勢孤將見殺 上遣人說君用子興乃

得出將萬人至滁州無何子興疑忌悉奪 上左右

元兵圍滁 上奮前批之子與愧悔而譏間愈入賴

孝慈皇后委曲于內漸解

是年五月張士誠起泰州

王國瑋周改元天祐

六月元命福壽討士誠授方國珍兄弟治中不受十二月徐壽輝敗于斬木

甲午

元至正十四年

滁大旱禱于栢子潭彎弓發三矢期以

三日如期雨注歲大熟 十月元右丞相脫脫攻張

士誠于高郵分兵圍六合甚急來求救 上率兵往

守城東瓦梁壘元兵急攻以計給敵引其衆列隊而

出還滁元兵大至好言解之乃引去禱于天期三月

歸附多寡爲驗未幾衆大集歲盡孟嫂攜子及仲嫂

來歸

子名文正靖江王

孟嫂尋卒 姊子保保從其父李貞來見

賜名

又得李氏子

賜名文英

皇后皆子之

其年

十一月元服

劫削籍安置張士誠出兵拒戰勢復振江盜朱英奔士誠引兵渡江元主遣內苑龍船天魔舞

乙未

元至正十五年韓林兒國號朱福龍鳳元年

正月

上有疾少間

子興召問所向定計襲和陽先遣誘兵大敗後軍急

擊破入之 上自往鎮計城守元復來攻大敗之甍

城總諸將坐其上悉搜還軍中婦女元兵十萬 上

以萬人拒守連戰三月屢勝其分屯者甚衆皆潰走

孫德崖來就食內之子興聞怒自至德崖聞不自安

求去俄兩軍鬪 上先在城外被執幾殆有張姓者

力護僅得免于興方械德崖與飲聞之兩解以歸子

興尋卒還葬滁州 四月常遇春來投

明玉珍
取重慶

先二月韓林兒入亳稱帝招和陽諸將張天祐赴之
齋檄至推子興之子爲都元帥天祐右副元帥 上

左副元帥 上不受止用其年號不顯絕也巢湖水

軍俞通海等擁千艘來降 上親往撫之乘水漲而

出壬寅敗蠻于海牙軍遂定渡江之計

劉福通殺
杜遵道自

樞丞 六月二日丙辰乘風向牛渚卽抵磯下登岸

采石兵驚潰急趨太平拔之元總管靳義赴水死

上曰義士也歛而葬之儒士李習陶安率父老出迎

張榜戒戍軍士一卒違令卽斬以徇改太平路爲府

以李習知府事真太平興國翼元帥府 諸將奉

上爲大元帥以李善長爲府都事陶安叅幕府事衣

服旌旆皆尚赤 辛酉元兵截采石江陳野先自方

山寨來攻生擒之赦不誅其黨皆降 馬后及將士

家屬皆渡江 甲子徐達克溧水州 七月九日壬

辰攻集慶路未克 八月縱陳野先還 楊完者兵始渡江

廣德 克溧陽蕪湖野先詐請據險持久困集慶 上

報書鈞得其情佯許之遂請 上幸其營不往 九

月五日丁亥 皇長子生 府上住宮 戊戌再攻

集慶陳野先叛郭元帥張天祐皆戰死 郭元帥子與之子也

巳酉野先爲青衣兵民所殺衆推其從下兆先領衆

十二月壬子朔釋所獲元臣納哈出歸

木華黎裔孫獲于太平者

是月劉福通爲元師所圍自亳走安豐

元中丞蠻子海牙復阬江口

上命治石礮載以巨舟守要害待之

丙申

元至正十六年宋龍鳳二年

正月壬午朔

倪文俊迎徐壽輝都漢陽

二月丙子大破海牙兵

張士德破平江改爲陸平府

三月 上克集慶路改爲應天府前辛巳朔進兵癸未

至江寧破擒陳兆先庚寅至集慶城下元御史大夫

福壽出戰擊破之克其城壽力戰死諸將皆降得軍

民五十餘萬 上入城諭以安民除暴之意因改府

名寅天興翼統軍大元帥府以廖永忠為統軍元帥
得儒士夏煜孫炎楊憲等十餘人用之并寅上元江

寧二縣遂定都焉 拜元御史大夫福壽 將取鎮

江慮諸將不戢士為害數前故縱罪欲法之李善長

為請乃免命徐達等將兵進戒無擄掠無殺戮 丁

酉克鎮江改為江淮府立淮興翼元帥府以徐達湯

和為統軍元帥寅秦淮翼元帥府俞通海統之 遣

兄子文正迎耆儒秦從龍親迓龍江 召見陳遇從

所徵漳浦處士陳汝輝不至 從龍遇所薦 張上

萬 陸、四月辛卯朔 張士誠特趙 乙丑克金壇 五

打虎陷湖州

報素從龍書 誠至

月庚辰朔當塗縣獻瑞麥 六月乙卯克廣德路改

爲廣興府寘翼元帥府鄧愈邵成統之

元立行臺千紹興

辛未寘行樞密院于太平花雲爲院判 壬申降人

陳保二誘執詹李二將降于張士誠

保二常州奔牛人聚衆以黃

帽首號黃包頭軍旣下鎮江來降復叛

乙未遣儒士楊憲齋書通好

張士誠留憲不答 七月己卯朔諸將奉 上爲吳

國公以元御史臺爲府寘江南行中書省 上兼總

省事設官屬 寘江南行樞密院湯和同僉院事

寘帳前都指揮使司左右前後中翼元帥府五部都

先鋒省都鎮撫司理問所提刑按察司兵馬指揮司

營田司 辛巳張士誠窺鎮江徐達敗之龍潭進攻

常州益兵三萬擒其弟九六士誠行名以通書誅之并擒張湯

二將軍 八月己酉朔以諸將虐取保二貲致叛且

攻城未下切責徐達以下皆降一官 九月戊寅朔

上如江淮府十二月改爲鎮江府先謁孔子遺儒士告諭鄉民

寘金山水寨遏南北寇兵 上還 十月丁未朔以

常遇春爲統軍元帥 士誠奉書求修好歲獻銀米

上答書諭以赤心相處勿得浮言誇詞士誠又不答

十一月張上誠誘我叛兵入常州益兵圍之破其援

師

張士誠陷淮安元將褚不花死之

丁亥 皇第二子生 十

二月謝國璽寇廣興府鄧愈擊敗之

丁酉

元至正十七年
朱龍鳳三年

二月三日戊申耿炳文取長

興 三月乙亥朔改長興爲長安州耿炳文劉成等

守之

壬午克常州改爲常春府

尋復舊名

湯和爲元帥

守之高復權知府事

克馬馱沙

四月乙巳朔

上親督師克寧國屬縣皆降

五月乙亥朔張士誠遣

左丞潘原明寇長興敗走

己卯克泰興

丙申常

遇春攻青陽破趙普勝

又姓李
雙刀趙

克其城

俞通海

等戰呂珍于洞庭山却之

六月己未克江陰吳良

守之

七月丁丑徐達克常熟鄧愈胡大海取積溪

進拔徽州改爲興安府元帥邵愈守之元將楊完者

來戰城下敗走

八月張士誠降于元以爲太尉

九月婺源州元

帥汪同來降

陳友諒殺倪文俊

費子賢取武康 十月

二日壬申常遇春克池州 甲申 上閱兵大通江

命繆大亨取揚州元帥張明鑑以長槍軍降

乙未歲明鑑聚

衆淮西以青布爲號名青軍又呼爲一片瓦其黨張監覽勇善用槍又號長槍軍當衆暴悍由台山轉掠至揚州人皆苦之時元鎮南王李羅善花鎮揚州招降明鑑等以爲濠洲義兵元帥駐揚州分屯守禦丙申三月明鑑等遁鎮南王反不從逐之爲趙均用所據城克暴益甚日屠城中居民爲食至是大亨兵至不能支遂降 改爲淮海府寘淮海翼元帥府張德得其衆數萬

林耿肅成等守之李德成知府事

城中居民止十八家裁城西南隅守

之青軍元帥軍
安仁亦來歸

十二月釋輕重罪囚

新玉珍
津重慶

戊戌

元至正十八年
宋龍鳳四年

正月十一日庚戌張士誠石

牌守將樂瑞兵敗來降桑世傑戰死

陳友諒被安
慶元余國死

之

乙卯取婺源州 二月己巳朔命吳禎副其兄

良守江陰 陞常遇春等官 康茂才爲營田使兼

帳前副都指揮

諭專掌水
利屯田

三月己亥朔命按察司

僉事錄郡縣囚減汰有差 丙辰克建德路改爲府

立元帥府朱文忠守之楊完者來攻敗去 四月己

巳朔陳友諒陷池州院判趙忠被執 庚午楊完者

再攻徽州胡大海擊敗之轉攻建德又敗之

甲申
陳友

諒揆龍興路劇篇
通人亦梁都之

六月六日朱文忠取江浦縣撫

安義門鄭氏 七月丁酉朔廖永安敗張兵于邇州

丙辰總管俞通海襲九華山寨克之 八月楊完

者被殺餘黨在相廬者三萬人求降命朱文忠往撫

之 十月辛未胡大海取蘭谿縣進攻婺州 甲戌

徐達克宜與楊國興守之廖永安入太湖為張士誠

所執 復取建德縣 先為友
諒所陷 十一月七日辛丑立

管領民兵萬戶府 壬子 皇第三子生 甲子

上以婺州久不下自將往征之 丁二月己丑朔命

藉戶口 庚辰 上自宣至徽徽者儒訪氏事 壬

午至婺圍之元石抹空孫守處州以車兵來戰破之

城遂降 甲申 上入婺禁戢剽掠 丙戌置中書

分省于婺州

改爲寧越府王宗顯知府事

立元帥府以袁貴守之

諭方國珍

下令禁酒

辟儒士范祖幹葉儀

祖幹

持大學以進 上問治道禮重之二人以老 未歸許之旌祖幹孝行題其里曰純孝坊

建觀

星樓于分省之東

選寧越七縣富民子弟克宥衛

名曰御中軍

己亥

元至正十九年 宋龍鳳五年

正月甲午朔遣諸將徇浙東

未下州縣仍戒諭無妄殺縉雲書生曹進德上書納

之 戊戌平章邵榮破張兵于於杭 己亥方國珍

獻金幣復書報之

胡大海攻克諸暨

諸戶先勝以城降我師入

城衆海海復亂擊敗之擒四千人乃定

改爲諸全州立樞密分院守以

元帥張彪王玉汪廣洋總軍儲

儒士王冕許瑗入

見留之

冕尋卒

始設儒學于寧越府以葉儀朱濂吳沉

等爲教官 二月甲子朔張士誠寇江陰吳良等擊

敗之 邵榮圍湖州不利引還破其追兵 三月二

日甲午宥獄囚

毛貴爲趙君用所殺

張士誠屢寇建德朱

文忠皆擊敗之

方國珍來降

請以次于關爲質上以交質喪世事

而遣之

趙普勝寇太平縣等處敗去

四月癸亥朔

徐達復池州

戊寅立樞密分院于寧越府常遇春

守之 庚辰陳保二就擒伏誅 五月賜寧越節婦

松氏米五石

蔡寧帖木兒大發軍圍汴梁破之

召胡大海協守

寧越

諭以攻守進取之宜

六月元將周宗道等皆來降 張

士誠寇諸全胡大海救却之 巳巳 上至應天

八月取無爲州

九月徐達等克潛山

詹元師守之

陳

友諒殺其將趙普勝 丁未常遇春克衢州改爲龍

游府

耿君用守之

十月俞廷玉卒安慶軍中 授方國

珍官 十一月胡大海攻處州胡深來降遂克之改

爲安南府

朱文剛守之諸將屢破張兵于分水縣

常遇春攻杭州

召

還

徐壽輝往江州陳友諒執而幽之自稱漢王

庚子

元至正二十年
宋龍鳳六年

正月己丑朔改寧越爲金華

府 二月庚申元福建守臣袁天祿來納欵 三月

戊子朔改淮海翼元帥府爲江南分樞密院 徵劉

基章溢葉瑛宋濂入京

四月十七日癸酉 皇第四子生是爲 太宗文皇帝

五月陳友諒寇池州徐達擊敗之

張士誠海運
米十一萬石

至元都明年增
爲十三萬石

常遇春擅殺降卒 上不悅悉釋

餘者 閏五月丙辰朔陳友諒攻陷太平守將花雲

朱文遜院判王鼎知府許瑗俱死之 戊午陳友諒

弑其主徐壽輝

自稱皇帝國號漢改元
大義約張士誠寇應天

乙丑 上

致友諒伏兵親擊大破之 丁卯置儒學提舉司

朱以

濬為之授

世子經

戊寅胡大海克信州

改為廣信府段伯文為知府葛俊為

元帥

罷所徵民間寨糧 六月念六日辛亥更築

太平城

壬子耿再成敗石抹宜孫于慶元縣

宜孫走過

鄉兵戰死

上嘉其忠祭墓

祀之并令處州復其生祠

七月十一日乙丑浮

梁守將于光來降友諒復攻陷之光奔還授行樞密

院判官

九月諸全守將袁實禦張兵戰死

張兵

大敗于長興

元和解李羅擴席兩帖木兒不聽

故天完將袁國

公歐普祥來降

十一月召吳良入京宴勞命宋濂

等為詩褒美之

黃河清

十二月復賜方國珍書

國珍來謝 征酒醋之稅 築龍灣虎口城

辛丑

元至正二十一年
宋龍鳳七年

正月二日甲申議鹽法真

局設官聽商販十分取一 己亥真寶源局鑄大中

通寶錢并議茶法 二月丁丑改樞密院爲大都督

府朱文正爲大都督節制中外諸軍李善長兼司馬

事其先任官在外者仍舊 三月泗州守將薛顯以

城降 方國珍獻馬鞍飾以金玉却之 五月丁亥

朔城建德府 六月李道明攻信州夏德潤戰死胡

大海來援破擒之赦爲鄉道 七月丁巳 皇第五

子生

以上皆
慈皇后所生

甲子以范常爲太平知府 壬

申安慶守將趙伯仲等爲張定邊所破奔還 上怒

誅之 甲申賞叅軍宋思顏直言 八月遣使通好

元將察罕帖木兒 鄧愈攻浮梁克之 胡大海攻

紹興不克 庚寅 上親帥舟師伐友諒戊戌至安

慶擊破之長驅至小姑山傅友德丁普郎來降 壬

寅次湖口獲其邏卒乘勝追至江州遇友諒兵大破

之友諒挈妻子奔武昌 癸卯 上入江州進克南

康 斬黃廣濟饒州建昌諸將王溥等皆降遂取撫

州 蔡幸平山 東開益都 九月以陶安爲黃州知府 十月

寅大督府左右都督同知副使僉事照磨各一員

十一月長興被圍常遇春救解之 撫州鄧克明戰

敗來降尋逝新淦 十二月己亥陳友諒江西行省

丞相胡廷瑞自龍興輸款請無分兵 上報以赤心 相處兵少方益何所疑慮

壬寅元至正二十二年 朱龍鳳八年正月四日辛亥胡廷瑞得

書來降 乙卯 上發九江如龍興次樵舍廷瑞等

謁城外俾仍舊職 壬戌入城謁孔子廟開宴滕王

閣命諸儒賦詩築臺龍沙召父老諭之改爲洪都府

葉琛知府事袁瑞臨江吉安等府皆下 獲鄧克明

時以小 舟未覓 二月丁丑朔改建德府爲嚴州府 癸未

金華苗軍元帥蔣英叛殺叅政胡大海及其子關住

郎中王愷等走投張士誠朱文忠往守之 丁亥處

州苗軍李祐之亦作亂殺院判耿再成都事孫炎知

府王道同等邵榮等進圍之 辛卯 上經度洪都

城守事宐以鄧愈爲叅政留守遂還應天 三月三

日己酉 明玉珍禪帝于重慶 張士誠遣兵圍諸舍

敗去 癸亥降將祝宗康泰叛陷洪都鄧愈走還都

事萬思誠知府葉琛死之 四月邵榮克處州叛黨

皆伏誅 王祐 徐達還師討洪都破之祝宗走新淦

被殺康泰就擒 以胡廷瑞 五月二日丙午命大都

督朱文正統軍元帥趙德勝同鄧愈鎮洪都程國儒

知府事

陳友定起義
兵復汀州

戊寅元察罕帖木兒答書

留我使不遣

田豐殺察罕帖木兒走入益都勢擴
廓帖木兒代將十一月破而誅之

丙辰平章邵榮參政趙繼祖謀反伏誅

榮祖勇悍善
戰與上同

起兵待之甚厚自平處州還益驕蹇常憤憤出怨言
部將有欲告者榮祖不自安與趙繼祖謀俟間作亂
至是上聞兵三山門外榮與繼祖伏兵門內欲爲
變會大風卒發吹旗幡上衣異之易服從他道還
榮等不得發遂
爲宋國與所告 八月癸巳友諒將熊天瑞復破吉

安 十月羅友賢據池州神山寨爲亂謀通張士誠

明年正月
討斬之

設關市批驗所官

十二月丁亥朱文

正復吉安

朱叔華
知府事

獲元戶部尚書張昶授以官

元擴廓帖木兒致書并獻馬還我使人

癸卯

元至正二十三年
朱龍鳳九年

正月壬寅朔徐司馬總制

守金華

報書擴廓帖木兒

二月壬申朔申將士

屯田之令

時康茂才屯積充將也
將皆不及故復下令

移浙江行省于

嚴州

盜陷饒州

都昌盜江番引張定邊入寇
聖問穆突死郎中楊憲走免

張

士誠破安豐殺劉福通等

三月辛丑朔

上救安

豐破呂珍兵廬州左君弼來援又破之

小明王
朱歸

徐達圍廬州

竹昌等復乘
間入安豐

閏三月辛未朔寬處

州鹽稅二十取一

四月壬戌友諒大舉圍洪都

乙丑諸全守將謝再興叛

五月友諒復陷吉安臨

江

魯善中劉齊
朱叔華皆死

及無爲州

州童曾不屈
縛而沉諸江

癸酉寘

禮賢館

集講儒
講論

六月丁未忠勤樓災

洪都元帥

趙德勝起城中奪死 壬戌方國珍貢馬

召廬州

兵還

七月六日癸酉

上自將救洪都癸未師次

湖口丙戌友諒隔

上至解圍逆我師

上帥諸軍

入鄱陽湖

丁亥遇康郎山

戊子巳丑庚寅皆力

戰移兵泊左蠡貽書不答

八月二十六日壬戌友

諒敗死其子理奔還武昌復稱帝

改洪都爲南昌

府 九月丁卯朔

上發湖口壬申還京論功行賞

壬午命李善長鄧愈留守

親征武昌

叛將謝

再興以士誠兵犯東陽李文忠破之

胡深築諸全

新城呂伯昇來圍不克引去

是月張士誠自稱吳王請于元不許元欲

糧亦

不與 十月七日壬寅

上至武昌圍之漢陽及湖

北諸郡皆降

鄆洪都死者

十二月丙申朔

上

發武昌命諸將守柵勿與戰

丙午還京

戊午關

武雞籠山還坐西苑諭諸將兵法

甲辰

元至正二十四年
宋龍鳳十年

正月丙寅朔諸將奉

上

卽吳王位寅中書右左相國而下等官以李善長徐

達等爲之

丁卯減收官店錢

二月乙未朔復往

武昌視師

辛亥

上至癸丑陳理率其下出降赦

之慰諭友諒父母賑城中饑民漢沔荆岳皆降李明

道伏誅

乙卯立湖廣行中書省以楊璟為叅政

丙辰

上發武昌

三月乙丑朔至京

丙寅封陳

理歸德侯

丁卯命金大旺守瑞州

寅起居注給

事中

皇第六子生

光妃胡氏出

定大都督府等衙門

官制

句容儒士戎簡入見論用兵

寅親軍十七

衛指揮使司

翼元等府俱罷

命舉人才

江西行省以

陳友諒鑊牀進毀之

四月甲午朔寅醫學提舉司

中書省臣進宗廟祭享月朔薦新禮儀

皇考妣

忌日祭享

俞通海等進逼通州敗張士誠兵

丙

申建忠臣祠於鄱陽湖之康郎山

祝丁普師而下三十五人

甲

辰改各門總管府爲千戶所正副千戶各一人 乙

巳建忠臣祠于南昌府

祀趙德勝而下十四人

諭諸功臣家

禁僮僕驕肆

元皇太子走古北口
遣還七月復走冀寧

興湖廣鐵冶

丁未徐達圍廬州左君弼走安豐 定商稅三十

取一 壬戌江西實貨錢局 立部伍法

降將所部
五千爲指

擇滿千者爲千戶百人爲百戶五十人爲總
旗十人爲小旗一切平章樞密名色俱革

五月

六月癸巳朔湖廣溪洞長官向思明等以元所授

宣勅印章來上請改給仍設宣撫司等官以其頭目

爲之

七月十六丁丑克廬州

戊寅平章常遇春

鄧愈及金大旺討江西上流未附州郡 巳卯舒城

來降 設行省于廬州俞通海攝省事 八月壬辰

朔減省榷受賄死罪

以洪令初行

常遇春等克新淦

擢執知州鄧志明送應天與其兄克明皆伏誅 左

相國徐達按行湖湘等處 遇春至吉安饒鼎臣走

安福復其城遂趨贛州熊天瑞固守不下命平章彭

自中會兵擊之郎中汪廣洋叅軍事立柵困其城

塑功臣像于卞壺及蔣子文廟以時致祭各忠臣廟

亦如之未獲贖者定擬以聞 立劉成廟于長興州

徐達進次沙市友諒平章姜旺以江陵降改爲荆

州府遂平夷陵潭州歸州

湘鄉土酋易華來降

方明善攻

平陽胡深遣兵擊敗之 十月遙授廖永安平章封

楚國公賜號 乙卯以省都鎮撫隸大都督府 巳

未張士信侵長興耿炳文破之士信復益兵以圍

革各親軍等府斷事知事官 江西各寨帥丁廷玉

等皆來降 十一月庚申朔贈元帥俞廷玉官封

辛酉寘湖廣提刑按察司以章溢爲僉事尋陞浙東

按察副使溢辭仍爲僉事 金大旺討撫州叛寇羅

五悉平之 以慈利土官覃厚爲宣撫使 湯和救

長興敗却之 戊子 皇第七子生 定妃達氏出 十二

丹庚寅朔克辰州衡州 周文貴 走湖南 辛卯裁宣課司

一十六處 巳巳書與擴廓帖木兒 乙卯寘拱衛

司統領較尉

乙巳

元至正二十五年
宋龍鳳十一年

正月十日巳巳克贛州燕

天瑞降

徐達狗寶慶靖州皆下

甲戌調陶安知

饒州府

遇春進師南安招下韶州南雄

湯和討

平永新諸山寨

鄧愈還軍討饒鼎臣于安福

從判官潘

之言

禁據據

大都督朱文正有罪

駭暴被上責按察使李飲冰來奏

上自往徵還免官安真桐城 親閱將士習戰

二

月巳丑朔陳友定侵處州胡深擊敗之下浦城 召

徐達還京

廣南州一帶悉平

丙午張士誠寇諸全朱文忠

大破之 三月辛巳常遇春班師 癸未允宋濂續

省賜金帛遣之濂表謝復致書 世子勸進修 上

喜獎諭命 世子再以書報 四月己丑朔奉軍胡

深克松溪 命常遇春取襄漢諸郡 上論形勢乃南
北必爭之地空

取 五月克安陸襄陽府 六月思南宣慰使嗣仁

智歸欵命仍其官 克安福州饒鼎臣走茶陵 朱

亮祖克崇安進攻建寧胡深被執遇害 諭民栽桑

麻木綿 儒士滕毅楊訓文爲起居注 七月丁巳

朔命降將張德山歸襄陽招未附山寨 湯和遣兵

圍周安于永新 甲子再與擴廓帖木兒書 思州

宣撫司田仁厚來降 沅陵縣民向珍入作亂討平

之 壬午寅太史監以劉基爲太史令 八月丁亥

周文貴復寇辰州擊破之 麻城里長袁寶擒羅田

賊藍丑兒

上以民能仗義特賞之仍定賞格

九月丙辰朔置國子

學

以故集慶路學爲之

明玉珍遣江儼來通好命都亭孫養

浩往報書

時玉珍遣兵征蠻暴掠不能制再以書戒之是月元太子還京

十月戊

戌下令討張士誠 辛丑左相國徐達平章常遇春

先取通泰諸郡 饒州太守陶安擊信州盜蕭明破

之

時來圍城

閏十月乙卯朔張士誠舟師出大江再諭

徐達備寇勿分兵 己未 上至江陰康茂才木塞

凡二日卽還 戊辰湯和克永新執周安等送京師

斬之取餘于州

庚辰克秦州

所俘將士拾示糧完其妻子加賜戊辰辰

二

信州盜蕭明寇婺源州知州白源懷印赴水死

源蒞政廉忠自奉甚薄遇除夕無它供其蓋食而已家人自歎寥落處之泰然人以此稱之

甲

午饒鼎臣敗死餘黨皆散 命右相國李善長書諭

濠州李濟不答

徐達圍高郵諭還秦州

秦從龍

卒 士誠寇空輿徐達渡江擊破之又寇安吉爲守

將費子賢所敗

張兵入萬子賢僅三千

丙午

元至正二十六年朱龍鳳十二年宋亡已二年矣

正月癸未朔張士

誠窺江陰

上親率兵至鎮江寇遁去康茂才追敗

之 命僉事周湏定按察司事立條憲綱以進 錄

用諸司劾退官 二月癸丑朔叅政張彬率指揮胡

海洋等討周文貴破走之 丁卯容美宣撫司田光

寶來降以彭世雄等為各軍民安撫使 處州山賊

夏清四連福建兵寇慶元僉事章溢召所部義兵討

敗之 己巳寅兩淮都轉運鹽司比二十九塲 茶

陵諸寨悉平 禁種糯 明玉珍卒于昇立 三月

癸未朔下中書省嚴選舉之禁 得賢者實濫舉及蔽賢者罰知府知縣

前禁者俟來朝治罪 不應朝者歲終逮治 徐達破高郵 所俘將士遣還

加泰州仍令軍 中搜還母女 四月壬子朔明昇遣使來聘

卯 上以玉輅太侈定用木輅

即殿輅朴素
渾堅之意

徐達

兵至淮安襲徐義軍于馬騾港走之淮安降

丁巳

沂州王宣襲海州據之

徐達回兵取興化

李文

忠往徐達軍議淮安城守事宜

己未論劉基王禕

定常賦國計

庚辰李濟以濠州降

論宿州吏民

故鄉無自絕其將陸聚以徐宿二州降

元蔣竹真

入安豐徐達邀敗之

陸聚攻沛縣并降邳蕭宿遷

雕寧

甲子

上發京師丁卯至濠州省陵

製粗布
宛白繆

衫經比總加重以改莖沒靈氣增土培封召舊人汪
文劉英慰撫之令招致二十家守陵仍復其家

方國珍來貢

宴父老慰賞之

論以教子弟為善
立身孝弟勤儉養

生毋自怠忽仍論博士許存仁等起兵始末禁戢救民成功之本

辛未徐達取安

豐獲忻都并裨將費元帥竹昌左君弼走汴梁引兵

來戰大破之達遂援徐州破王保保兵

即橫廓枯木兒

五

月壬午朔上還自濠州諭中書省招撫流亡訪

求遺書六月壬子朔改醫學提舉司爲太醫監

七月辛巳朔書諭王保保甲辰以蘇伯衡爲國子

學錄 廖永安卒于蘇州 八月庚戌朔拓建康城

作新宮于鍾山之陽

舊城西北控大江東盡白下門外距鍾山既濶遠而舊內在城

中因元南臺爲宮稍庫廩至是十地定作新宮于鍾

山之陽在舊城東白下門之外二里許增築新城東

北盡鍾山之趾延亘

伐張士誠祭告大江 辛亥

周廻凡五十餘里

徐達爲六將軍常遇春爲副將軍帥師二十萬東征
戒諭之 癸丑大軍發龍江熊天瑞奔于張士誠

辛酉自常州浮太湖諸將數戰皆捷遂圍湖州 九

月乙未勅朱文忠會兵

明昇來聘

上以使者誇誕命廷臣奉使謹

于言語勿爲大言貽笑

湘鄉賊易華叛討斬之

周文貴復

掠辰州諸將楊璟等分兵進討

丙午叅政蔡哲報

聘于蜀

十月戊寅諸將攻張士誠兵于舊館降之

十一月二日庚辰舊館捷書至

父老入賀戒以安生力業

甲

申猷降湖州進兵南潯吳江州

朱文忠攻下餘杭

杭州守將潘原明以減降

命仍舊職

李思忠以紹興降

都尉王克恭守之 宋興以嘉興降 壬寅海寧州

降 修公子書及務農技藝書 癸卯大將軍徐達

等至姑蘇圍之 甲辰送元平章丑的長壽還

獲于杭者

十二月乙卯永寧鄒縣賊饒一等悉平 己未罷浙

東行省開省杭州陞右丞朱文忠爲平章守之復姓

李氏 改諸全州爲諸暨縣舊稱路者皆爲府 陳

友定建寧將阮德柔來納款 以明年爲吳元年

前小

明上翰林兄尚在建康用其龍鳳年號 稱皇帝聖旨吳王令旨至是殛乃收元 定宮室先

建廟社 甲子親祀山川祝告立郊廟建宮室卽于

是日啟工所司進圖命悉去雕琢奇麗者

丁未吳元年

元至正二十七年

正月戊寅朔湖廣進兵沅

州克之

令事涉惟誕者勿以聞

免應天太平鎮

江寧國廣德五處田租

上以開創供億所先特免後數下部免

令筭

文只乎實勿飾虛詞

二月丁未朔都城訖工

王

保保遣左丞李二侵徐州傅友德敗擒之 茗洋降

賊周遂卿復叛僉事章溢討斬之 置兩浙都轉運

鹽司于杭州設三十六場 松江嘉定來降 乙丑

書諭陳州左君弼歸其母

君弼尋來降

三月丁丑朔湖

廣慈利思沅等處宣撫安撫等司皆內附 甲戌大

將軍徐達自軍中請事勅勞之令從便宜以行 丁

酉下令設文武科取士法

諭令以時勉學使開科舉歲克貢京師其科目等第

各有出身

以蔣節爲安撫使守會同縣討靖州山寨

四月丙午朔上海民錢鶴舉作亂討平之餘黨施仁

濟劫嘉興悉被擒 辛亥祭 仁皇帝忌辰 胎王

保保等紗羅葛布等物 壬子諭起居注詹同等因

史貴直筆凡平日言行明白直書勿得隱諱 乙卯

平章俞通海卒

戰姑蘇傷重

己未數方國珍十二罪一

丁卯祭 仁皇后忌辰

自是歲以爲常

李文忠調兵戍沿

海州縣 改江陰州爲縣 選江西精兵二千人宿

衛 句容縣獻瑞麥 五月書諭張士誠不報 己

亥初寅翰林院學士正三品以陶安爲學士 免徐

宿濠泗襄陽安陸稅糧二年 六月丙午朔日食晝

晦 諸將屢敗士誠兵于城下 甲寅革叅議府

久旱大雨免民田租 先減縣素食 定朝賀不用女樂

叅知政事張昶謀叛誅 秋七月選樂舞生設雅樂

召學士朱升及范權領之 上親擊石磬試定 丙

子除郡縣官凡三百三十四人定賜予并及父母妻

子仍給道里費遺之遍賜佐貳幕官有差并加 勅

諭 己丑雷震宮門獸吻得物斧形而石質 上命

出則使人負于 駕前臨朝奉置几案祗天戒遂赦

中外罪囚 方國珍約降未至 上怒徵糧二十三

萬石仍以書詰責 辛丑置太常大理司農將作四

司正三品 八月四日戊申有吏受贓事發赴井死

上遍行戒諭

或以愛利不如愛身

癸酉園丘方澤及社稷壇成

甲寅冷謙協樂章聲譜及編鐘編磬等器 丙寅

上祀山川祭畢出齋次頒胙群臣諭世子等戒盈滿謹

怠荒 書諭沂州王宣父子

告以來年取河

南先代沂州 徵江

西儒士顏六奇等

以老疾賜

帛遣還 朱亮祖討方國珍

是月元詔太子總天下兵

馬奔撫麻帖木兒兵權 九月甲戌朔 太廟成

四祖各爲廟

德祖居中

三祖東西次列皆南向

諭中書省除大逆不道俱免連坐 辛巳大將軍徐

達克姑蘇執張士誠熊天瑞伏誅 胡廷瑞進兵無

錫州 張興率勇士千人并濠州山寨諸軍俱集淮

安 乙酉改平江路爲蘇州府 何質知府事 徐達分兵

取通州張右丞 即張大眼 帥所部降 丁亥實內史監秩

正四品 召諸將大會京師 莫天祐以無錫降

戊子 上御戟門閱試將士定令不得私乘戰馬及

載他物 張士誠送至京師 自縊死馬梓墓之 辛卯置宣

徽院設院使正三品 改太醫監爲院 丁酉朱亮

祖攻台州敗方國瑛 戊戌 上遣使以書送元宗

室神保大王及黑漢等九人于元主

破姑蘇所獲

又以

書遣王保保賜之文綺

王宣來請罪

辛丑命于

泗州靈壁取石置磬湖州采梓桐置琴瑟

平吳師

還諭功封李善長宜國公徐達信國公常遇春鄂國

公餘將士有差

朱亮祖克台州

癸卯新內成

正殿曰奉天殿前爲奉天門殿之後曰華蓋殿華蓋

之後曰謹身殿皆翼以廊廡奉天殿之左曰文樓右

曰武樓謹身殿之後爲宮前曰乾清後曰坤寧六官

以次序列周以皇城城之門南曰午門東曰東華西

曰西華北曰玄武制皆朴素不爲雕飾 上命博士

熊鼎編類古人行事可爲鑒戒者書于壁又書大學

衍義于兩廡壁間

有諸孫瑞州文石覽地者斥之

戰士傷殘者造

廬舍環新宮城外

晝治生夜則巡敵

十月甲辰朔遣起括

注吳琳魏觀等以幣帛求遺賢徙蘇州富民實濠

梁丙午百官禮儀俱尚左兩相國互改定國子

學官制許存仁爲祭酒劉承直爲司業改太史監爲

院仍以劉基爲院使朱亮祖至黃巖方國珍遁去

給蘇州戰士照前印帖米如格祀前死節安慶

右丞余闕江州總管李黼壬子置御史臺及各道

按察司湯和鄧愈爲左右御史大夫正一品劉基章

道爲御史中丞正二品基仍兼太史院使 放廣德

義兵 湯和爲征南將軍追方國珍 下中書省定

律令 書諭元將李思齊張思道 戊午考正 太

廟雅樂 癸亥定樂舞之制 甲子命右相國徐達

爲征虜大將軍平章軍國重事常遇春爲征虜副將

軍帥甲士二十五萬由淮入河北取中原 平章胡

廷瑞爲征南將軍行省左丞何文輝副之由江西取

福建 平章楊璟等取廣西 召諸將諭以軍法機

宜親祭上下神祇于北門之七里山各引兵發京師

乙丑遣 世子次子往臨濠展陵 丙寅撤諭齊

魯河洛燕薊秦晉之人 丁卯大將軍論王宣父子

勅廬州以西諸將備王保保 湖廣行省取寶慶

新化等府縣 朱亮祖克溫州 辛未王宣納款賀

平張士誠 十一月癸酉朔朱亮祖敗方明善于紫

清追至海口招諭之 明昇來聘 丙子大將軍次

下邳前鋒由徐州進取山東 湯和自紹興上虞餘

姚進兵慶元悉降之方國珍浮海 壬午王宣叛大

將軍進兵討斬之 乙酉定大都督府及各衛官制

康茂才都督同知郭子典陳德都督僉事 學士朱升年老免朝謁 甲

子 上視園丘 世子從行 廖永忠自海道會湯

和討方國珍 上祭海上諸神國瑛及諸將皆降國

珍亦降 乙未冬至文武朝賀 太史院進戊申大

統曆 先定儀注改用十月朔著為令凡大典禮先進儀注如式 命疏滯獄 大

將軍自滕州進克益都 胡廷瑞度杉關略光澤縣

下之 十二月癸卯朔日食 甲辰律令成頒行之

凡為令一百四十五條吏令二十二令二十四禮令

十七兵令十一刑令七十三工令二律準唐之舊而

增損之計二百八十五條吏律十八戶律六十三禮

律十四兵律三十四刑律一百五十一工律十命有司

刑布中外 丁未諭大將軍副將軍送渠帥官吏儒士詣

京師撫民課農使無失所 孔子五十六代孫衍聖

公孔希學率曲阜尹孔希章鄒縣主簿孟思諒迎軍

門降 眞尚寶司內職六尚局 上寢夢神人以玉

加頸遂成隆骨 大將軍以次平定山東 胡廷瑞

至邵武降之 癸丑左相國宣國公李善長率群臣

奉表勸卽帝位

報以天下大定議之屢請不已論斟酌禮儀而行

改慶元

路爲明州府 膠州來降 頒律令直解 湯和廖

永忠自明州海道取福建 李善長進卽位禮儀

甲子 上御新宮以卽位祭告 上帝自爲祝文云

不可不至日明使臣知之 己丑禮部以冊立 皇

后 皇太子禮儀進于卽位日同舉

上曰禮文太煩是日群臣趨事

不暇其質中宮

丙寅命

世子及諸子名祝告

太廟

仍以諸子漸長空習勤勞命內侍製麻履行殿
出城稍遠馬行二步行一并定內使寇服李

善長選儀衛仗內旂有天下太平
皇帝萬歲字額 上以誇大去之

大將軍自濟南

還益都取登萊諸州縣 榜諭山東來降及未盡官

民 戊辰定開讀詔赦儀 赦蒲臺民供芻粟違令

者 當新其子乞代大將軍送至
京 上以其孝并父宥之

湯和進克福州

山東悉平命官撫輯 置浙江市船提舉司 定各

縣為上中下三等 減金華田租

初用兵所增李
文忠請減從之

補遺

丙申七月置帳前總制親兵都指揮使以馮國用為

之置左右等翼元帥府以華雲龍唐勝宗陸仲亨都
愈陳先張彪王王陳本等爲之置五部都先鋒以陶
文興陳德等爲之置省都鎮撫司以孫養浩爲之置
理問所以劉禎秦裕爲之置提刑按察使司以王賢
古王德芳爲之置兵馬指揮司以達必大爲之

戊戌十二月親征宣徽問耆儒用兵所急前學正朱
升對曰高築精多積糧緩柵王

一日陸士陳
善峰之言

壬寅正月胡廷瑞來降 上如龍興拜其母 寧州

土豪陳龍以衆降初徐壽輝兵破寧州龍集衆結堡
于州之泰玄鄉號人和寨旬日間州境響應衆至萬

餘至是聞 上至隆興遣弟良平率分宜等六縣民兵二萬來降王禕撰平江西頌

癸卯四月諸全守將謝再興叛初再興用部將左總管糜萬戶右總管王萬戶爲心腹二人常使人販鬻杭州 上知其陰泄機務擒二人誅之召再興赴建康而以叅軍李夢庚總制諸全軍馬 上以再興長女娶兄子文正幼女適徐達之子恩意甚厚仍命還守諸全再興以夢庚處已上忿忿不樂山是遂殺知州樂鳳其妻王氏以身蔽鳳亦見殺 沈夢庚奔張士誠李文忠遣胡德濟屯五指山備之 詔陞德濟叅

政管事萬戶王克瑀偵敵亦被殺再興後與其弟謝
五守餘杭又明年朱文忠率指揮朱亮祖耿天璧攻
桐廬降其將戴元帥復遣袁洪孫略富陽擒其同
僉李天祿遂合兵圍餘杭遣人語謝五曰爾兄以小
隙歸于張氏非爾謀也爾乃我之戚臣若降可保不
死仍享富貴乃與弟姪五人出降後皆磔于市

吳元年正月 上曰吾昔在軍中嘗空腹出戰歸得
一食卽粗糲甚甘今飲膳豐美未嘗忘之太平應天
宣城諸郡吾渡江開創地供億先勞其免太平府租
稅六年應天宣城諸郡一年

八月祀山川畢將還宮顧世子曰國家初定民始息
肩汝知人勞乎夫人貴則驕逸則忘勞若夫貴而不
驕逸而知勞心體衆情能爲君者也今將士中夜屢
從至此皆未朝食汝可步歸

九月張士誠執送京師周伯琦伏于後上問爲誰
對曰前元叅政周某上曰元君寄汝心膂乃資賊
以亂耶伯琦惶恐不能答先賜三日大醉以醉其功
後殺之一日放歸田里人之卒前說出剪勝紀聞謂
與李伯昇先戮非也